

**16 SEPTEMBRIE**

**PARACLISUL  
SF. CUVIOS-  
MARTURISITOR  
KUKSA VELICIKO  
DE LA  
ODESSA**

**PARACLISIER-RU**

Ⲓⲁ  
ⲠⲌ  
ⲠⲌ  
ⲕⲪⲕ  
ⲰⲌ

ⲠⲌⲎⲤ  
Ⲱⲕ  
ⲒⲒ



## **Молебный канон преподобному и богоносному отцу нашему Кукше**

**Благословившу священнику, начинаем по  
обычаю, таже:**

**Господи услыши: (псалом 142),  
Слава, и ныне: Бог Господь: со стихи.**

**Таже тропарь, глас 4:**

От юности мир суемудренный и лукавый  
оставил еси, / Божественною свыше  
просветився благодатию, преподобне, / многим  
терпением во временней жизни подвиг  
совершил еси, / темже источаеши чудес  
благодать / всем с верою приходящим к раце  
мощей твоих, // Кукшо преблаженне отче наш.

**Слава, и ныне, Богородичен:  
Не умолчим никогда, Богородице:**

**Псалом 50 и канон, глас 8, без ирмосов на 4.**

**Песнь 1. Ирмос: Воду прошел:**  
Во мнозех напастех и бедах всяческих  
пребывающе, к тебе, отче Кукшо, с верою  
прибегаем и любовьию вопием, да избавимся от

них молитвами твоими.

**С**осуд благоуханный Духа Святаго от младенства явился еси, отче преподобне, и нас, чтущих тя любовью, причастники соделай Того дарований Божественных.

**Я**ко исповедник Христов и ангелов сомолитвенник, имея дерзновение ко Господу, молитвами твоими избави нас пагубных зол и болезней.

**Богородичен:** Тя, Цареву Палату, воспевающе, молим, Богородице Дево, гласы услыши блажащих Тя и Твою величающих милость.

### **Песнь 3. Ирмос:** Небеснаго круга:

Узрел еси очима души твоея, отче Кукшо, яко вся суетна суть, отвергл еси мирскую красоту и в пустыню вселился еси, тако и нам помози о Горнем мудрствовати и радети.

**Л**ютых недуг и бед волнами от грехов своих низпали есмы в лукавое, но теплыми молитвами нас свободи, отче Кукшо приснопамятне.

**Х**риста Единого возлюбив, преподобне, во плоти сый безплотных полки посрамил еси и по преставлении твоём чудеса точиши с верою притекающим к тебе.

**Богородичен:** От всякаго вреда душевнаго же и телеснаго, зол и скорбей, Пречистая, молитвами отца нашего Кукши и Твоими мольбами всех нас свободи, Мати Дево.

**Посем оба лика вкупе поют катавасию:**

Спаси от бед, любовью ты чтущих, преподобне отче Кукшо, / яко мы усердно к тебе прибегаем, // скорому помощнику и молитвеннику о душах наших.

**Призри** благосердием, Всепетая Богородице, / на мое лютое телесе озлобление // и исцели души моя болезнь.

**Ектения:** Помилуй нас, Боже: **и седален, глас 2:** Моление теплое и похвалу сердечную / приносим ти, богоблаженне отче Кукшо, / и, припадающе, умиленно вопием: / предвари и от бед избави нас, / яко скорый помощник и милостивый наш предстатель.

**Слава, и ныне, Богородичен, глас тойже:**

**Моление теплое и стена неборимая:**

**Песнь 4. Ирмос:** Услышах Господи:

**З**иждителя предстоиши и к Нему дерзновение имаши, отче Кукшо, изнемогающих нас исцели и в напастех сущих исхити твоими молитвами, преподобне.

**В**оина равноангельна и исповедника твердаго Христос ты показа, таже и болезней целителя, досточудне отче Кукшо.

**З**аповедей Христовых усерднаго чтителя и богомудраго пастыря и наставника вемы ты, отче преблаженне, и нас окорми ко спасению

твоим попечением, Кукшо преподобне.

**Богородичен:** Мати Преплагословенная, исцели наша недуги телесныя и спаси нас грешных, Царице Небесная.

**Песнь 5. Ирмос:** Просвети нас:

**К**о Творцу о нас молишия, отче преподобне, и даруеши цельбы неоскудно припадающим к раце честных мощей твоих.

**В**о отчаяние ввержени от множества грехов наших, посещения Божественнаго сподоби нас и исполни радости о Дусе Святе въздыхании твоими, Кукшо богоносне.

**Л**учами Вышняго светолития весь озаряемь, треблаженне, и наша омраченныя души просвети, да выну поем светоносныя подвиги твоя и заступление.

**Богородичен:** Ангелов похвала и человеков слава, Цвете девства, чистоты Сияние, не забуди град и люди Тя, Богородице, присно величающия.

**Песнь 6. Ирмос:** Молитву пролию:

**Н**ападствуемы есмы от многих бесов и страстей, таже бури и скорбей обыдоша ны, ты же, отче наш Кукшо, струями молитв изыми нас от злыя пагубы губительства.

**С** лики мученик и преподобных прямо беседуя Христу, многими страстьми нас содержимых

исцели, отче Кукшо.

**Излиянием чудес от Бога обогатился еси, отче священнейший, темже приходящих облегчаеши болезни, и нас твоею милостию посети, предстателю о нас теплейший.**

**Богородичен: Бога с человеки навеки соединившая, Богородительнице Чистая, возведи живот наш от тли суемудрия и настави к Свету Присносущему Сына и Бога Твоего.**

**Посем оба лика вкупе поют катавасию, якоже выше указася по 3-й песни: Спаси от бед: Призри благосердием: Таже ектения малая.**

**Кондак, глас 6:**

Предстателю о нас к Богу теплейший, / ходатаю ко Творцу дерзновенный, / не презри чад твоих молебныя гласы, / но предвари, всеблаженне, и избави нас от всяких бед и напастей, / с верою бо к тебе прибегаем, // любовью, преподобне Кукшо, чтущих тя.

**Прокимен, глас 4-й: Честна пред Господем / смерть преподобных Его.**

**Стих: Что воздам Господеви о всех, / яже воздаде ми.**

**Всякое дыхание: Евангелие от Матфея, зачало 43.**

**Слава:** Молитвами преподобнаго отца нашего Кукши, / Милостиве, очисти // множество согрешений наших.

**И ныне:** Молитвами Богородицы, / Милостиве, очисти // множество согрешений наших.

**Стихира, глас 6:**

Пение молебное приносяще Богоносному отцу, / приидите, припадем к честней раце мощей его, / из глубины сердечныя взывающе: / преподобне отче Кукшо, / приинкни к малому молению нашему / и низпосли любящим тя свыше богатую помощь, / недужныя исцели и в скорбех сущих посети, / от всяких зол избавляя нас твоими к Богу молитвами, // досточудне и богоблаженне отче.

**Посем глаголет диакон молитву:** Спаси Боже, люди Твоя:

**Лик:** Господи помилуй (12 раз).

**Возглас:** Милостию и щедротами:

**Песнь 7. Ирмос:** От Иудеи дошедше:

От тенет богоборчества избавитися Отечеству нашему, всеблаженне, Христа умоли и жития нашего суетнаго исправлению вспомооществуй, преподобноисповедниче славный, твоими молитвами.

**Ж**итием твоим досточудным и подвиги твоими богоугодными просвещаемы, молим тя, отче Кукшо, и нам помози Христу угождати и

боголюбезными быти.

**М**олитву непрестанную, любовь и незлобие стяжал еси в житии твоём, отче богоблаженне, и нас направи к жительству спасительному твоим ходатайством.

**Богородичен: В** Еяже саду краснейшем процвел еси, отче Кукшо, Игумению Всечестную Афонския горы моли спаситися нам, под Покров Ея Матерний прибегающим.

**Песнь 8. Ирмос: Царя Небеснаго:**

**Ц**аря Небеснаго верный служитель быв, благодать чудес от Него приял еси, болезни и пагубы изгони мольбами твоими, Кукшо треблаженне.

**С**тани на защищение наше, воине добльственный Христов Кукшо, и огради ны оплотом молитв твоих, да не прикоснется к нам болезнь и напасть.

**П**ромыслителю Спасу нашему радостное пение приносим, яко имамы молитвенника и ходатая о нас теплейшаго, Кукшу отца достопамятнаго.

**Богородичен: В**сяк вред душ и телес и всякую злую напасть изгони мольбами Твоими, Марие Богородице.

**Лик: Х**валим, благословим, поклоняемся Господеви, поюще и превозносяще во вся веки.

**Ирмос:** Царя Небеснаго, / Егоже поют вои ангельстии, // хвалите и превозносите во вся веки.

### Песнь 9

Ирмос: Воистинну Богородицу Тя исповедуем, / спасении Тобою, Дево Чистая, // с безплотными лики Тя величающе.

**Г**рад и обитель тя чтущия и вся люди к тебе в молитве притекающия услыши, отче Кукшо всеблаженне, и кровом молитв твоих сохрани.

**В**сякими болезнями одержимыя и благочестно притекающии ко храму твоими молениями вся избави, отче преподобне.

**Т**воему образу и мощем покланяющаяся благочестно от всякаго осуждения, Кукшо богоблаженне, избави и Божественное Царство получитьи сподоби.

**Богородичен:** Якоже изрекла еси, Мати Дево, пречистыми усты Твоими, блажат Тя вси роди, и мы, величающе Тя, славословие приносим, да помилуеши и спасеши чада Твоя.

**Таже вместо Достойно: лик поет стих сей, глас 8:**  
Владычице, прими молитвы раб Твоих / и избави нас от всякия нужды и печали, / Ты еси, Богородице, оружие наше и стена, / Ты еси Заступница, и к Тебе прибегаем, / Тя и ныне на молитву призываем, / да избавиши нас от врагов наших. / Возвеличим Тя вси, /

Всенепорочную Матерь Христа Бога, // Юже  
осени Дух Пресвятой.

**Священник совершает малое каждение,  
и мы поем настоящие стихиры:  
Стихиры святому, глас 8:**

Ангелов сомолитвенника / и преподобных ликом  
украшение, / достоблаженнаго Кукшу  
прославим, / той бо ныне предстояще Престолу  
Божью, // выну ходатайствует о нас.

**И**мене Христова преславный исповедниче, /  
духов злобы прогонителю, / богоблаженне отче  
Кукшо, / посети нас милостию твоею, // днесь  
радостно славословящих тя.

**Р**адуйся, Кукшо преподобне, / наставниче наш  
духоносный, / чудотворче и целителю недугов  
предивный, / веры непорочный блюстителю //  
и молитвенник неусыпный о всех блажащих тя.

**П**оем прилежно тебе песнь ныне, / всеблаженне  
Кукшо, радостно, / от бед нас избави и буди  
помощник / честную твою память верно  
почитающим.

**В**ся Ангелов воинства, Предтече Господень, /  
апостолов двенадесятице, / святии вси с  
Кукшею блаженным и Богородицею, / сотворите  
молитву, // во еже спастися нам.

**Посем Трисвятое: Отче наш:**

**Тропарь преподобному, глас 4: От юности мир  
сuemудренный:**

**Слава, и ныне, Богородичен, глас тойже:**

С Вышних призирая, убогия приемля, / посети  
нас, грехов ради наших скорби терпящих, /  
Владыко Всемиловитиве, / молитвами  
Богородицы и всех святых русских // даруй  
земли нашей велию милость.

**Ектеня сугубая, юже глаголет диакон с кадилом  
и прочая по обычаю. И отпуст. Также поем  
стихиру на целование мощей и образа, глас 5.**

**Подобен: Радуйся, Живоносный Кресте:**

Ныне притекают люди православнии, / со  
слезами припадающе к цельбоносным мощем /  
богоноснаго отца нашего Кукши, / и тому со  
усердием молящися, / приемлют благодать  
неоскудеваемую, / юже по молитвам  
преподобнаго // обильно низпосылает нам  
Господь, имеяй велию милость.